

Слава Советская гордай соколхненди!

СЧАСТЛИВАЙ КИС!

„СССР-Н-209“ САМОЛЕТТЬ ЛИЙКСТАМАЦ

Ровна кова меле, кода лийкстася Громов ялгася, Арктикаты эень паксязон велькса лийкстай советский стальной вию нармонь „СССР-Н-209“, конац тии беспосадочный полет Москву—Северный полюс—Северная Америка.

Тя полетсь практически разрешендасыне кафта великая странатень йоткса инь нюрхкяня кига почтово-пассажирский связень кизефксень.

Августть 12-це шистонза шобдава ушептовсь „СССР-Н-209“ самолетть горючайда пашкедемац.

15-частса 30 мин самолетти ушептсь снаряжениень грузам. Самолетть бортозонза пачфтьфоль продовольствия и аварийнай снаряжения. Тядя башка, кабинати марафтольхть корреспонденция и августть 12-це шистонза нолдаф московский газетатень эздз комплект.

Илять 5-частста сявиомк Щелковский аэродрому кармасть сашендома пражай ломаньт—роднойсна, другсна и работас корья ялгасна. Стартти ласть: обороннай промышленностень наркомсь Рухимович ялгася, связень наркомсь Халепский ялгася, оборонань наркомть заместителец омбоце рангонь командармась Алкснис ялгася, профессорсь Туполевсь, Советский Союзонь геройхне Водопьянов, Байдуков, Беляков и Шевелев ялгатне, „Правдаты“ редколлегиянь членец Мехлис ялгася и лият.

Илять 6-частса макссеви приказ:

— Нолдамс моторхненя!

Вишкста уназевсть 4 моторхне. Сидеста парозевсть, уназевсть пропеллерхне.

Макссеви команда. Леваневский и Кастанаев ялгатне прощандайт, ашкодкшесазь кядьснон марта и палсесазь маластонь ломаньснон и другснон. Сяда меле сувсикть самолетти.

Кись свободнай! Кастанаевсь макссь газ. Самолетсь срхкась ардома. Вов сон вишкепнесы скоростенц.

Мекельденыпет, фкя миг и Кастанаев ялгася пак тьождыста, толчекфтома, плавнайста илять 6-частса 15 мин. явфнесы машинать модать эзда.

Прокс лийкстамань линиять лангса ащи Алкснис ялгася марьгсь:

— Молодец Кастанаевсь! Сон лийкстася пак цебарьста. 35-тоннатне воздухти кепедьфтольхть 35 секундастай!

Моторонь увфсь ушептсь опамк шнемя. Вию нармонь кяшевсь вирить фталу. Гордай, отважный соколхне тусть лиезь полюсть вельф Америка, штоба Советонь странаты историязонза сьормадомс блестящей од победа, сатомс эсь родинаснонды од слава.

Счастливай ки, дорогой ялгат!

(ТАСС).



СНИМКАСА: „Н-209“ самолетть экипажец (кяржи ширьде види шири) радистсь Н. Я. Галковскийсь, 2-це пилотсь Н. Г. Кастанаевсь, экипажень командирсь С. А. Леваневскийсь, 2-це бортмеханиксь Г. Побежимовсь, 1-це бортмеханиксь Н. Н. Годовиковсь, штурманць В. И. Левченкось.

Фотось Кисловть (Союзфото).

МОСКУ--СЕВЕРНАЙ ПОЛЮС--СЕВЕРНАЙ АМЕРИКА

Севернай полюсть вельф транспортнай самолетса

Сяда меле, кода аныцек Советский Союзонь геройть академикть Шмидть экспедицияц сатфкс марта аделазе дрейфующай эйть лангс зимовкань организовандамаса работанц, мон обратился правительствати просьба мархта максомс теень разрешения Москуста—Севернай полюсть вельф США-в лиемс.

Севернай Америкав од полетть целец—практически кемекстамс результаттень, конатнень сатозь Чкалов и Громов ялгатне „АНТ-25“ самолетса США-в выдающей полетстост. Минь инголенк ащи стака и труднай задача—вятемс пцтай ся трассава, но, должен улемс, сяда вярьга вастова и оцю скоростьса 4 моторнай гигантский самолетть. Минь полетоньке должен эсь очередьсонза решандам дальнейшай задачат кафта континентнень йоткса пассажирский и коммерческий сообщениянь тиемать колга.

Эсь перелетозень мон тийса ся маршрутть коряс, конац меле, вероятно, и ули трассахс Москуста—Севернай Америкав воздушнай линияти. Полюсти самс минь лихтыма пцтай сяка-жа киге, ко-

нава лийсть Чкаловсь, Громовсь. Полюсть эзда сявиомк минь маршрутоньке йотай ся меридианть ланга, конац ащи Москуть противолежачай меридианонцты. Посадка арьсетяма тиемс Аляскаса Фербенкс ошти.

Фербенкссь ащи самай оцю и промышленнай ошекс Аляскаса, крупнай центркс морской и сухопутнай аэродром мархта. Тя ошть эзда ушеды США-ть шири воздушнай, цебарьста лиемьф ки.

„СССР-Н-209“ экипажсь ащи 6 ломаньста. Моньдедон башка—омбоце пилотсь Николай Георгиевич Кастанаев, штурманць Виктор Иванович Левченко, бортмеханикне Григорий Трофимович Побежимов и Николай Николаевич Годовиков, радистсь Николай Яковлевич Галковский. Кислородонь запасоньке минь саты полетонь 20-частста ламос.

Москуста Фербенксу эсь перелетоньке минь арьсетяма аделамс 30-частста.

Москуста минь умышленнай лийкстама илять шивалдста. Шивалдста минь должны ваномс морять советский беряконц, шить

лучанзон мархта минь должны ваномс Американский континентть.

Фербенксса минь ащетиаме несколько ши, а тоса лийхтыма Нью-Йорку. Лийхтыма посадкань тиемьдезь. Фербенксть эзда Нью-Йорку, грубайста лувозь, пцтай 6-пале мархта тьожитть километр. Минь могли-ба йотамс тя расстояниять и апак валгонть, но шорьсикть американский аэродромтень чисто технический особенностьсна. Кда заправить Фербенксса аэродромса педа-пес минь машинанькень горючайса, саволь-ба тьса ащемс вельф ламос. Минь самолетонькеньди эривихть опытной заправщикт. Тоса аэродромтень размерсна не позволят стартовать полной весса—аф саты ардомс вастсь.

Тумок тя оцю и труднай кига, минь канцаськ эсь эсонок Сталинть лемонци, кода мужеством, решимостень, настойчивостень, упорствань и неприклонностень источник и сяс минь увереннайхтыма полетть сатфкс мархта аделаманцты.

С. А. ЛЕВАНЕВСКИЙ
Советский Союзонь геройсь,

С. А. ЛЕВАНЕВСКАЯ

(АВТОБИОГРАФИЯ ЭЗДА)

Мон шачень майть 15-це шистонза 1902 кизоня Петербурга. Монь алязе ульсь кузнец, но сая пингть работась и дворникос. Кулось сон мяздра ульсь теень 8 кизот. Тярязе, штоба андомс 4 идьт, шинек-венек стаендсь белье. Монь идень пингезе тя—стама машинать увфоц, равжа кшись, модарьсь. Революция йоткова лия рабочайхень мархта сувань Якс-терь Гвардияв. Улень Восточный фронтса, Западный и Кавказский фронтнень эса, а стаянжа Дагестанца.

1925 кизоня аделайне летчиконь школать. Школать аделамок получань назначения авиационный отряду. Улень младшай, а сяда меле старшай летчикос, сяда тов пиколаса инструкторс, коса мон тонафнень.

1933 кизоня мон обратился Севернай морской путень главнай управлениа энялькс марта—кучемс монь работама Северу. Монь кунара-ни мялезе тоза работама. Эняльксозень удовлетвориндазь.

Августь 17-це шистонза 1933 кизоня СССР-нь правительствась выдающай летнай качестванкса и лама перелетса участиянка награди монь „Красная звезда“ ордена.

Февраль 19-це шистонза 1934 кизоня мон кулине „Челюскинтъ“

гибеленц колга кулять и эстакига телеграфировандь Москву, што анокан лиемс челюскинецненьди лезксонь максома.

Челюскинецнень спасенияснон инкса СССР-нь правительствась 1934 кизоня апрель 20-це шистонза награди монь Орденом Ленина и макссь теень Советский Союзонь героень звания. 1934 кизоня сентябрьста ВКП(б)-нь ЦК-ть решениянц коряс мон улень примаф коммунистический партиань членкс.

1936-це кизоня мон улень Америкас и тонафнень самолетнень, моторхень и снаряжениять, конат предназначенайхельхть арктический перелетненьди. Августста мон лийкстань США-ста СССР в, Лос-Анжелос—Ледовитый океан—Москва трассава, конань кувалмо-цель 19000 километр. Путь паледа ламонц лиеськ минь перелетоньди, пяк стака, кржа содаф и нльня апака содак Канада и Аляска районть, Тихий океанть и Чукотский полуостровь и Якутия побережьяснон велькса.

Севернай воздушнай трассать освоенияса од сатфкснень инкса правительствать постановленинц мархта мон улень награжденый Трудовой Якстерь знамян ордена

МЕКОЛЬДЕНЬ ЧАСТТЬ

Августь 13-це шить васеньце палец йотамс перелетонь штабть эса систематически получахнень сведения Советский Союзонь геройть С. А. Леваневский ялгать перелетонц моламн колга. Перелетсь мольсь успешнайста. Москувонь времать коряс 13 частса 40 минутаста „СССР-Н-209“ самолетсь йотась Севернай полюсть вельфа и тусь Аляска шире. Самолетть эзда передавать примосезь СССР-нь связань Народнай Комиссариатть передовой радиостанциянза и Севернай морской путень Главнай управлениа радиостанциянза. 14 частста 32 минутаста самолетть эзда ульсь кучф радиограрма, конань эса азф, што виде ширдены крайний моторсь лиссь стройста маслпроводть колеманц сюнеда, лийхтяма 4600 метрань сереса сплошной тучань пачк.

Тя пингть самолетсь, йотафтомк несколько тоннат горючай ульсь сяшкава тьождягофт, што ульсь кода теенза лиемс сяконь сереса колма моторса.

Тяда меле самолетть мархта регулярнай сотксь лоткась. 15 частста 58 минутаста Москувонь времать коряс Якутский радиостанциясь самолетть эзда примась тяф-

тама сообщения: „Сембесь ащи ладс. Слышимость Р-1“. (Лиякс мярьгемс кальдяв). Сяда меле 17 частста 53 минутаста Шмидтонь мысонц радиостанциянц получаь самолетть эзда тяфтама радиограрма: „кода монь кульсамасть РЛ (Леваневский) самолетонц позывноенза). Учедь“.

СССР-нь связань Народнай Комиссариатть энельксонц коряс, Севернай Американь сембе военной, коммерческий и любительский радиостанцияне вятихть непрерывнай наблюдения эфирть меле, кулхондомок Советский самолетть по зывноензон и передачонзон. Тяка пингть непрерывнай наблюдения вятихть Севернай и Дальневосточнай советский радиостанцияне. Москуть и Вашингтонть йоткса, а тяфта жа Москуть—Сан-Франциско и Фербенксь йоткса кирдеи регулярнай сотк радиотелефон и телеграф вельде СССР-нь связань Народнай Комиссарь И. А. Халепский ялгась эрь пале частонь йотазь корхны радиотелефон вельде США-са советский полпредствать—Уманский ялгать марта.

Однако, августь 14-це шистонза кафта часттненьди „СССР-Н-209“ самолетть марта связь эз ладьяв.

Пяшкедькшнесазь эсь обязательстваснон

Баево велеса колхозникне и колхозницатне сьоронь урядамада инголе саяств обязательства, штоба сьороть урядамс курокона и юмафксфтома. Тяфта и лиссь. Розьсна ульсь 380 гектархт и сембень аделазь 5 шиста. Государствати розень заданиянзон (380 центнерхт) максозь.

Тяни урадайхть тозерснон эса. Колхозникне работайхть пяк честнайста и добросовестнайста, нормаснон пашкодкшнесазь ламода вельф. Колхозникне разоблачают

лодырьхень и сятнень, конат вешеньдихть тьождя работа.

Сяс тя колхозса работась моли пяк цебарьста.

Аф кунара старшай звеноводкась Китайкинась проверязе звенанц работанц, коста сон метрань кувалмоста мусь аныцек 3-4 розень прят. Сон омбоце шиня 2 ядста шобдава сявезе звенанц и нят лядикс розьпрятнень кочкафтозень.

Тя колхозть эзда эриви сявемс пример сембе колхозненьди.

Милкин.

Ардатовань р-н.

Срочнай службань рядовой и младшай команднай и начальствующей составь РККА-нь рядтнень эзда долгосрочнай отпускс нолдаманц колга СССР-нь Союзонь Оборонань Народнай Комиссарть ПРИКАЗОЦ

1937 кизонь августь 10-це шистонза

145 №

Моску ош

1. Нолдамс Рабоче-Крестьянский Красной Армиян рядтнень эзда, НКВД-нь пограничнай и внутрений охранаста долгосрочнай отпускс срочнай службань рядовой и младшай команднай и начальствующей составь, сяс мес служазень-ви непрерывнай службань установленнай срокнень:

а) кафта кизонь срок мархта службань часттнень эзда—1935 кизонь призывста;

б) колма кизонь срок мархта службань часттнень эзда—1934 кизонь призывста;

в) ниле кизонь срок марта службань часттнень эзда—1933 кизонь призывста;

г) высшай образования мархта ломаттнень—1936 кизонь призывста, а морской флотть эзда—1935 кизонь призывста; сятнень, конат

кирьдсть испытаният запасонь команднай и начальствующей составонь званиянди.

2. Увольненият йотафтомс: а) РККА-ть сухопутнай, воздушнай и морской силанзон эзда т. к. октябрь 1-це шиста сявемок декабрь 1-це шис модемс пингть эзда;

б) НКВД-ть пограничнай охранаста—1937 кизонь декабрь 1-це шистонза; а НКВД-ть внутрений охранаста—1937 кизонь декабрь 30-це шинцы.

3. Приказь азондомс сембе ротатнень, эскадронттнень, батареятнень, командатнень, отрядтнень, дивизионттнень, судатнень и экипашнень эзда.

СССР-нь Оборонань Народнай Комиссарсь—Советский Союзонь маршалсь—К. ВОРОШИЛОВ.

РККА-в ОЧЕРЕДНОЙ ПРИЗЫВТЬ КОЛГА

ССР-нь Союзонь оборонань Народнай Комиссарть ПРИКАЗОЦ

1937 кизонь августь 10-це шистонза

146 №

МОСКУ ОШ

1. Йотафтомс призыв действительнай военной службав Рабоче-Крестьянский Красной армиян т. к. сентябрь 1-це шистонза сявомок октябрь 1-це шинц самс пингть эзда ся граждантненьди, конат шачсть 1915 к. и не призваннайхть 1936 кизоня, и полностью. 1916 кизоня шачф гражданонь контингентти, а стаянжа старшай возрастонь ся граждантненьди, конатнень йотасть призывонь отсрочкаса.

2. Ся граждантнень, конат шачсть 1907 кизоня и тядынгле пользовандасть отсрочкаса, призывть эзда освободить и лувомс васень очередень запаста.

СССР-нь Оборонань Народнай Комиссарсь—Советский Союзонь маршалсь—К. Ворошилов.

„СССР Н-209“ САМОЛЕТСЬ

Инженер Болховитиновть конструкторса ниле моторса „СССР-Н-209“ гигантский самолетсь тиф 1935-це кизоня. Васень лиеманза няфгезь сонь прекраснай качестванзон. Оцю (30 тоннада лама) грузонь кепси машинась касфни оцю скорость—частти 300 километрада лама. Самолетть эзонза васеньцеда применядаф лама одта: полуубирающей шассихт, посадочнай скоростень кирьфнемс приспособленият и лият.

1935-це кизонь майть 2-це шистонза „СССР Н-209“ самолетсь ульсь няфтьф Сталин ялгати и правительствань члентненьди. Сталин ялгать мяльс особенна тусь фюзеляжть конструкция.

Тя самолетть лангса тиф ниле международнай рекордт. Летчикне Нюхтиков и Липкин кеподсть сонь лангсонза оцю вярэ вастс 10 и 13 тоннат груз. Тя кизоть Советский Союзонь геройсь Байдуков ялгась

тись сонь лангсонза фкя пивгения кафта международнай рекордт—тьожань и кафта тьожатт километрат вете тоннат груз мархта.

Летчиксь Кастанаевсь заводской испытаниян пингста тись тя самолетть лангса пцтай 100 полетт, кой-конат синь эздост полетнай вессна 26, 28, 30 и 32 тоннат. Сембе пингть машинась лиендсь 50000 километр.

Обычнай моторхень вастс самолетти установленнайхть надувной моторхт конструкциясь Микулинть, эрь моторсь 850 алашань вийса. Ня моторхне вярэ вастса могут дополнительна пашкоть-кшневомс кислородса, колма пацяса металлический пропеллерхне оборудованайхть специальнай антиобледенительса.

4000 метрать серьса вярьге моторхне кандсазь советский стальнот птицать 280 километр частти. (ТАСС).

Примернай колхозницат

„Сире-Теризморгань „17 лет Октября“ колхозса од стирьнятне сьоронь урядамста работайхть пяк честнайста и добросовестнайста. Работань нормаснон пашкодкшнесазь ламода вельф и сьороть эса урадайхть юмафксфтома.

Вов нят цебарьста работай колхозницатне: 3-це бригадста Макарина Екатеринась, 1-це бригадста Трегубова Евдакиясь и

2-це бригадста Кадерова Антанна Егоровнась.

Синь сембе работань нормаснон пашкодкшнесазь ламода вельф.

Цебарьста работай Вилиякина Дарья Петровнась, конанц цебарьста работаманкса и кода активнай колхозница, ульсь кучф колхозть ширьде районнай слетс.

И. Девин.

Шайговань р-н.

Великий октябрьский социалистический революция 20-це годовщинуанцы соцсоревнованиясь

Атиуревский района вишкста развертывается социалистический соревнованиясь Великий Октябрьский Социалистический революция 20-це годовщинуанц лемс.

Киров ялгать лемса колхозсь района васеньцексь аделазе розень урядамать. Работаснон планц коря аделазь фкя шиди инголи, и тяти развернули тьямать и яроуеонь урядамать.

Тя колхозса келиста обсуждандазь Мокшэрзянь ВКП(б)-нь обкомть июль 20-це шистонза путфисонц Октябрьский Революция годовщинуанц лемс соревнованиять колга.

Чапаев ялгать лемса колхозса, 1-це бригадаса работась организовандаф отличнайста. Проверкась

няфтезе, што сьоронь урядамаса тя бригадаса самай кржа юмафкст. Совершенно аш разрыв сотомать и лядемать йоткса. Арьтюшкина ялгать звенаса пулфонь сотыхнень нормаснон пашкодкшнесазь 150 процентс и цебярь качества мархта. Звенась сявсь обязательства цебярьгафтомс работаснон яровой хнень урядамста.

Соревнованияти включаютс комбайнерхне. Соревнованиясь вишкомкшни. Партийнай и комсомольский организациятнень задачасна ащи сян эса, штоба возглавить соревнованиять и вовлечь соревнованияти сембе массатнень, штоба Великий Октябрьский Революция 20-це годовщинуанц васьфтемс цебярь показатель мархта.

000

Касфцайнек стахановецнень рядснон

Саранский ошень котониннай фабрикаса комсомольский организациясь сявсь обязательстват, штоба октябрьский революция 20-це годовщинуанцы аноклама йотктъ вишкоптемс соцсоревнованиять фкя-фкянь йоткса и нормада вельф пашкодемс производственной плантть.

Июн ковьт омбоце пяхкстонза ВКП(б)-нь парткомть секретарец Богатырева ялгась и ВЛКСМ-нь комитетть секретарец Миндров ялгась йотафнесть марстонь пуромкс рабочайхнень мархта. Тя пуромкса ламоц рабочайхне и сембе комсомольский организациясь максеть обещаният, штоба образцовайста работамс производстваса и вишкоптемс фкя-фкянь йоткса соц. договорхнень пашкодемаснон.

Тя пуромкста меле ламоц комсомолецне и комсомолкатне вельф пашкедькшнесазь сявф обязатель-

стваснон. Комсомолецне: Казанин, Ивенин и Полатов ялгатне нормаснон пашкодкшнесазь 125 процентс.

Электроотделса Хайров ялгась сембе эсь работанц пингста няфни ударнай методт и тюри аварийности машфтоманц инкса.

Чесальной цехса Журавлева и Киреева ялгатне производственной нормаснон пашкодкшнесазь 110 процентс. Ня большевистский норматнень пашкодкшнеманкса ламоц комсомолецне, комсомолкатне, а стания-жа ламоц рабочайхне касфтозь зарплатаснон кафтонь крда.

Милехина, Крюкова, Воронина, Морозов, Жаркова, Мачалова ялгатне 5 кова инголе получандакшнесть зарплата 130—150 цалковай, а тяти получакишнхть 249—260 цалковайхть ковти.



СОВЕТСКИЙ СОЮЗОНЬ ОШНЕНЬ ЭЗГА
СНИМКАОА: Ульяновск ошса (Куйбышевский область) октябрь 25-це шинц лемс ульцась. Фотось Союзфотонь.

Республиканский школатнень васеньце спартакиадасна

Август ковьт 12—13-це шистонза Саранский ошонь стадионца ульсь йотаффт республиканский школатнень спартакиадасна.

100 метрань дистанциять ласкомста васеньце вастть занязь стирьнятнень йоткса: Будаевась (Саранскийста)—14,0 сек., Зорькинась (Саранскийста)—18,8 сек., Орловась (Рузаевкаста)—15 сек., Николаенкось (Ромодановаста)—15,5 сек., Куминась (Темниковаста)—15,7 сек., Артюшкинась (Ардатоваста)—15,7 сек., Романовась (Саранскийста)—16,0 сек., Абрамовась (Игнатоваста)—16,0 сек., Рослова (Инсарста)—16,2 сек.

Цьоравятнень йоткса васень вастть занязь 100 метрань дистанциять ласкомста: Галактиновсь (Чамзинкаста)—12,8 сек., Агеевсь

(Темниковаста)—13,0 сек., В. О. Паналкинць (Чамзинкаста)—13,2 сек., Жарковсь, Скорлылкинць, (Инсарста),—Зубанковсь (Саранскийста) Лимонькинць, Андреевсь Зубово—Полянаста.

Гранатаса йорямаса васеньце вастть занязь стирьнятнень йоткса: Будаевась (Саранскийста)—31,70 метрат, Лебедевась (Темниковаста)—28,85 метрат, Симдянкинась (Чамзинкаста), Макеевась (Ельниковаста), Петровась (Темниковаста), Зорькинась (Саранскийста), Ромадановась (Саранскийста), Орловась (Рузаевкаста), Куминась (Темниковаста), Сарчан (Торбееваста).

Окончателный результаттне улихть азфт следуючай №-са. И. Б.

Од избирательнй СССР-нь Верховнай Совету выборхнень колга

Социалистический равенствась

СССР-нь Верховнай Совету выборхнень колга Положениять 2-це статьясонза азф:

„СССР-нь Конституциять 136-це статьянь коряс депутатонь кочкаматне ащихть равнайкс: Эрь гражданинтть ули фкя голосоц; сембе гражданинтне участвовандайхть кочкаматнень эса равнай основанияса“.

Советский Союзса Совету депутатонь кочкамста кодамовок ломаненьди аф максевихть особай преимуществ. Сембе гражданинтень правасна фкат. Тяфтама избирательнай законоц социалистический государствать, коса аш помещикт и капиталистт, коса аш беднайхть и козят, коса азоркс ащихть странать лангса синьць трудийхне.

Настоящий равнай избирательнай прават аш фкявок капиталистический государстваса. А сят странаинень эса, коса властьсь фашисттнень кядьса, кода Германияса, Италияса, Японияса, кода рабочайхненьди и сембе трудийхненьди аф максевихть кодамовок политический прават.

Ванцаськ кода ащи тевсь буржуазно-демократический государстватнень эса. Тяфтама буржуазно-демократический государстваса, кода Англияса лама избирательхненьди максевихть кафгонь голост. Кода лама ломаненьди максевихть 2 го-

лосне? 2 голосонза ся ломаньтть, конанц пях козят, крупнай помещик али капиталист. И нят козя ломатьтненьди максевихть избирательнай прават кафта вастова: весть голосовандай тоса, коса соньць эрай, а омбоцедатоса, коса ащи, сонь заводоц, фабрика али торговой заведенийц. Сембеньди шарьхкодеви, што рабочайти али трудий крестьянинтти тяфтама преимуществ аф максевихть.

Кой-кона буржуазнай Конституциятнень эса сьормадф, што, будто сембе гражданинтень избирательнай правасна равнайхть. Но сембеньди содаф, што буржуазнай равенствась, тя „равенства“ аньцек корхтазь, валса, а тевса фкявок буржуазнай государстваса ашель и мзярдонга аф ули равенства.

Ванцаськ кода ащи тевсь Американь Соединеннай штатса. Американь Соединеннай штатса каждай штатсь сенату кочки кафта депутат, а жительхне штаттнень эса ламода аф равнайхть. Кодама на тя равенства кда Нью-Йорк штатт лама миллионнай население равняндакшнени лия штаттнень мархта, коса населениясь лувондови тьожаньса. Кода няеви американский буржуазиясь тьожаньтть и миллионть лувонцыне „ровнайкс“.

Тяфга жа ащи тевсь Францияса, коса Парижть 6-це округонц 1-це

участкац 8000 избирательста кочки парламенту фкя депутат,—фкя жа депутат кочкихть Корбей округть 2-це участкаста, коса избирательста лувондови 56000. Кода нийсаськ, 8 тьожаньць равняндакшнени 50 тьожаньць мархта. Тя тийф сянкса, штоба максомс привилегия буржуйхненьди. Парижть 6-це округонц 1-це участкаста эрайхть козятнень, а Корбей округть 2-це участкаста эрайхть рабочайхне, трудий массатнень.

Тяфтама „равенствась“ буржуазнай государстватнень эзга, коса рабочай районтне кучихть парламенту депутатта сяда кржа, чем сят районтне, коса эрайхть буржуйхне.

Буржуазнай государстватнень эзга тяфта жа кирьфневихть правасна йомбла национальностнень. Польшаса Краковский округсь 48 тьожаньць избирательста кучси фкя депутат, а Кломенецкий округсь кучси фкя депутат 96 тьожаньць избирательста. Тянь тиезе польский буржуазиясь сяс, мес Краковский района эрайхть поляктт Кломенецкий округса эрайхть Украиньцт. Лисеньди, што фкя поляктт голосоц равняндай украиньценць кафта голосоньди.

Аньцек минь счастливай страна-сонок максевихть сембе гражданинтеньди равнай прават.

Минь родинасонок Союзонь Совету выборхнень пингста избирательнай округне тиеньдевихть тяфтама принципонь коряс: 300.000 населения каждой округть эса—фкя лаца и ошненьди и велетненьди. И каждой избирательнай ок-

ругсь кучси Союзонь Совету фкя депутат. Лисеньди, што и рабочайхнень и крестьятнень правасна фкя лацот.

Тяста няеви, што минь социалистический государствасонок сембе гражданинтень Союзонь Советть кочкама правасна равнайхть. Союзонь Советсь тяфтама орган, конац ванонцыне Советский Союзонь сембе нациятнень гражданский праваснон.

Союзонь Советта башка ули Национальностень Совет, конань задачац ащи сян эса, штоба отражать Советский Союзонь национальностнень особай, интереснон. Национальностень совету кочкамаса минь избирательнай законьке максси равнай прават сембе Союзнай республикатненьди, равнай прават сембе автономнай республикатненьди, равнай прават сембе национальной округненьди.

Тя равенствась няеви тяста, што Национальностень совету эрь союзнай республикась кучси 25 депутатт, эрь автономнай республикась—11 депутатт, эрь автономнай областьсь—5 депутатт, эрь национальной округсь—1 депутат. Аньцек минь социалистический страна-сонок сембе национальностненьди максф фкя лаца политический прават.

Аньцек социалистический государствать избирательнай законоц максси действительнай равнай избирательнай прават сембе гражданинтеньди.

Тяфтама, подлинно равнай, избирательнай прават аф максевихть фкявок буржуазнай государстваса.

Таргамс ответс виновникнень, конат сязеньдсазь пионерхнень ваймамаснон

Саранск ошень пионерлагерьса пняк лама афсатыкста и возмутительнай фактта, конатнень лангс аш кода аф шарфтомс мяль. Июль ковть лагерень начальникокс работась Селиверстов ялгась, а завхозсь ульсь Фошинь.

Селиверстовсь и Фошинь эсь безответственной шиснон сюнеда лагерьса нолдасть лама безобразият. Продуктатненьди кодамовок учет ашесть тиенды. Ответственной ломатът продуктань получандама и нолдама ашесть путня. Завхозсь Фошинь ст. повороть мархта сидеста симоньдельхть винада и продуктатнень разбозаривали киньди повсь.

Фошиньть мельгя лувондови 14000 тьожатът цалковайхть ярмак, конатненьди аш кодамовок оправдательнай документт. Ня возмутительнай фактнень кунаркига содасыне ГорОНО-нь заведывающайсь Хатянович ялгась, но кодамовок мяль тянь шири ашезь

шарфта, а органичились анычек сяконь мархта, што ВЛКСМ-нь горкомсь Селиверстовть мархта Фошиньть валхтозь работаста. Сяда меле ВЛКСМ-нь горкомсь эсь решениясонза лагерень начальникокс кемохстазе Шалдыбин ялгать, кона бы должен максомс оцю лезкс лагерень работать цебарьгафтоманцты, но тячиень шить самс тевсь апак ладяк.

Июльть 13-це шистонза пионервожатайсь Резеповась салась пионеркаты Сухорукова ялгать 130 цалковай ярмаконзон и Лолухова ялгать бельянзон

Тяфтама возмутительнай фактта лагерьса пняк лама и синь лангозост аф шарфнихть сатомшка мяль. ВЛКСМ-нь горкомти и ВЛКСМ-нь обкомть пионеротделонь заведывающаенцты Бабицкий ялгати эрви шарфтомс тя тевти оцю мяль и виновникнень таргамс ответс.

П.

— 000 —

Сьорма редакцияв

Нингя весть республиканский пионервожатаень школать колга

Май ковста саранскийса кармась работама республиканский пионервожатаень школась. Тячиень шить самс тьаса пняк лама безобразияда.

Курсантненьди общежитияньди максф мясовхозть ингольдень пингень апак оборудовандак калада клубоц. Общежитиясь аш вожденькен портретна аш плакатт. Помещениясь полнай антисанитария. Классь вестькак апак штат, цоталакса паутинат и ст. тов.

Тяда башка, курсантненьди постельнай принадлежностьт тячимс апак макст, питаниясь организовандаф преступно калдывста. Фкя валса можна азомс, што курсантненьди апак макст кодамовок условият, штоба тонафнемс нормальнайста и лисемс школаста полноценнай пионер вожатайкс.

Минь аф содасась кода арьси ВЛКСМ-нь обкомсь и ВЛКСМ-нь горкомсь нят безобразиятнень лангс, но тейнек содаф ся, што ня безобразиятнень колга ульсь аф весть пафтыфть кулят. Видекс, ВЛКСМ-нь обкомть пионеронь отделть заведующаец Бабицкий ялгась школать панжемста ульсь тьаса, но сон варжакстсь школать состоянианц лангс и тусь. Ниясак сон арьсесь, што сонь тьаса кржа

тевоц, сембе афсатыкснень могут лоткафтомс сонфтемонза.

Коста тяфтама гостролерсь, и киньди сонь гостролерстванза эрвасть? Кадк тя кизефксти максы ответ Бабицкий ялгась.

Случайнайхть ли няфактне, што школаса аф кирьдемшка безобразият? Аф. Аф. Случайнайхть, сяс мес комсомолонь обкомть ингольдень пингонь секретарец, троцкистско-бухаринский наймитсь Ивановсь йорась злоумышленно сяземс школать работанц.

Случайнай ли, што комсомолонь горкомста фкявок представитель ашезь уль школаса? Аф. Горкомть ингольдень пингонь секретарец, разложившай элементсь Левиньц безразличнайста тя тевти ванць.

Случайнай ли, што курсантнень общежитиясост антисанитария? Аф. Школань завхозсь разложившай элементсь Новиковсь кодамовок мяль общежитиять лангс аф шарфни, а школань директорсь Григорьевсь тянди способствует, Новиковть мархта кодамовок мерат апак примакт.

Минь надьятама, што комсомолонь обкомсь и комсомолонь горкомсь шарфтыхть мяль школать работанц лангс.

Колма подписьт

Саранск ош.

— 000 —

Комсомолецне удыхть, а церьковникне орудуют

Рузаевка. Прхляень велеса церьковникне вятихть оцю антисоветский работа. Манашкатне аватьнень йоткса йотафнихть беседат, штоба совету анокламс кандидатурат озондыхнень йоткса, лувондыхть религиознай книгат и ст. тов.

Тя корхтай сянь колга, што Прхляень партийно-комсомольский организациятне колхозникнень йоткса кодамовок антирелигиознай работа аф йотафнихть, СВБ-нь кружок тячимс апак организовандак, беседат, лекцият антирелигиознай темас аф эрйхть.

Ламоц учительхнень йоткса антирелигиознай работат ладяманц вастс синьц вятихть религиознай

пропаганда. Школань директорсь Бикеевсь и учительсь Ерофеевсь кирьдихть кемя соткс попть мархта. Попсь и ня кафта „божья душатне“ неразлучнай другт. Марса симихть, фкя-фкянь кядьста кепсихть ярмакт и ст. тов.

Аш кодамовок сомненият, што тя группась совету выборхнень йотафтомаснон пингста организавандайхть подрывной тев.

Аф шорйй азомс ся, што комсомолонь райкомть секретарец Титов ялгась, кода СВБ-нь оргтройкань председатель, районца антирелигиознай работат ладяманцты кодамовок лезкс ашезь макссе.

Комсомолец.



Снимкаса: Генерал Миахась и Центральнай фронтонь комиссарсь Франциско Антонь (виде ширеса) Испаниянь республиканский армиянь фкя частень смотрасот.

Фотось Калишьянонь (Союзфотос).

Испанияса фронттнень эзга

Августь 12-це шистонза Центральнай и Арагонский фронттнень эса ашельхть крупнай военной операцият.

Правительственный войскавне августь 12-це шистонза кордовский фронтса тийсть неожиданнай атака и занязь Лоперу веленять (Монтароть эзда 15—16 километрат юго-востоку). Мятэжникине, пуроптомок резерваснон, тийсть контратака. Вио тюремада меле республиканецненьди савсь кадомс

веленясь. Республикаецне, фатямок 16 пленнайхть, 2 пулеметт и лама лия вооруженият, полнай порядкаса мрдасть эсь позициязост.

* *

Августь 12-це шистонза итальянский эсмивецсь „Саетта“ и тяфтама жа типа лия судна, но аш опознавательнай знаконза, ваяфтозь Испанский парадотть „Компеадортъ“. 42 ломатъть командатъ эзда юмась 12 ломань.

— 000 —

Китайса войнась

Шанхайть ульцяса бойхне

Омбоце ковсь, кода Японский империализмась ушептозень военной действиятнень севернай Китайса. Японский хищникне васендакигя занязь Пейпин—Тяньцзинский районть. Тяни японский империализмать вооруженнай виенза мольфтихть усиленной бойхть, штоба занямс сяда оцю кусок китайский территориять эзда.

Августь 12-це шистонза ушедсть военной действиятне Нанькоу районца. (Нанькоу-сь ащи 40 километрат Пейпин ошть эзда Северо-Запад шири). Воздушнай артиллерийский ожесточеннай бомбардировкада меле японецне занязь Нанькоу ошть, Нанькоу станциять бомбардировандама японецне применяли зажигательнай снарядт. Нанькоу ошсь марцек фатяф пажарса.

Тяка жа пингть японецне мольфтихть военной действият Пейпин и Тяньцзян ошнень эзда юг ширеса.

Чрезвычайно тревожной положениемсь Шанхай ошса (Шанхай ошс тя оцю портовой ош Китайса. Шанхай ошса лувондови эрйяда 3, 5 миллионда лама. (Шанхайть малас пуроптф) японский 33 военной кораблят. Ниле тьожатът

японский морякт ускфт и валхтфт берякти. Китайский населениясь йотни иностраннай кварталхнень территорияс али тушендыхть Шанхайста.

Китайть центральнай правительствац Шанхай районти пуропни вооруженнай оцю вийхть. Чан-Кай шить 88 дивизияц, конац лувондови инь цебарь частекс китайский армияса, сувань Шанхай ошти. Шанхай ошть маласа марнек Лувондови 100 тьожатът китайский войскац,

* *

Мекольдень сообщениятаень коряс, августь 13-це шистонза Шанхай ошть Севернай райондонза ушедсть молема бойхт. Японский морякне апак шарьхкодть напали китайский войскатнень оборонительнай линияснон лангс. Тяни сражениясь моли Шанхай ошть ульцязон эса. Японский военной суднась бомбардировандазе Юкон пристаньтть, конацащи Шанхайть и Усунть йоткса. Пристаньц палы. Японецне тяфта жа бомбардировандазь Шанхай ошть китайский райононц—Чапейть. Китайский артиллериясь отвечась усиленной толса.

Культомассовой работат лувондсазь аф эрйвиксоньди

Мокша Козловка велеса од ломатътнень йоткса кодамовок культомассовой работа аф витеви.

Тьаса ули избачитальня, но чигальняста аф муят фкявок газета и журнал, аш шашкат, шахматт и ст. тов. Избачсь Кишнякинць ла-

моксть обращался велень советть председателенцты Торопкинцты, штоба ладямс культомассовой работат, но Торопкинць тя тевть лувондсы аф эрйвиксоньди.

К.

Атюревань р-н.

Ответ редакторть инкса П. ЕЖОВ.

Уполномоч. главлито № Д—90. Заказ № 2545. Тираж 1335.

г. Саранск типография Красный Октябрь.